

1.04 KAS-EES THIAB ANPEES, THAWJ NKAWM KWVTIJ

Chivkeeb 4

Thaum Vajtswv tsim tau lub ntuj lub ntiajteb thiab tsim tau tibneeg. Nws tsim tau pojniam thiab txivneej uas yog Adas thiab Evas. Vajtswv txawm cia nkawd los nyob ua ke ua txij ua nkawm, thiab ua niam ua txiv rau menyuam.

Muaj ib hnuv Evas tsis mloog Vajtswv lus, nws mus mloog Vajtswv tus yeebncuab uas yog Xatas lus. Nws mus de tsob txiv ntoo uas ua rau neeg paub qhov phem qhov zoo uas Vajtswv txwv kom nkawd txhob noj. Adas los kuj noj tibi thiab. Vim nkawd tsis mloog Vajtswv lus qhov ntawd kev txhaum, nkawd thiaj raug ntiab tawm ntawm lub vaj uas zoo nkauj ntawd mus. Txij no nkawd yuav raug mus khwv thiaj tau noj.

Tom qab ntawd tsis ntev, Adas thiab Evas nkawd muaj ob tus tub. Nkawd muab tus hlob tis npe hu ua Kas-ees, tus yau hu ua Anpees. Anpees yog tub yug tsiaj, Kas-ees yog tub qoob. Ka-ees cog txiv hmab txiv ntoo noj.

Ka-ees thiab Apees tau kawm los hais tias yuav tsum koj khoom mus fij rau Vajtswv. Muaj ib hnuv Kas-ees txawm nqa tej txiv hmab txiv ntoo uas nwg khwv tau koj mus fij rau Vajtswv, Apees los kuj xaiv tus menyuam yaj uas zoo nkauj heev koj mus fij rau Vajtswv thiab. Vajtswv txaus siab heev thiab txais yuav Apees qhov khoom fij taimsis Vajtswv tsis txaus siab thiab tsis txais yuav Kas-ees cov. Vajtswv pom txhua hauv nkawd lub siab ntsws.

Kas-ees chim heev rau Vajtswv. Nws xav hais tias tej uas nws fij tsis zoo npaum li cas. Kas-ees npau taws heev nws thiaj muab nws tus kwv Apees tua tuag. Vajtswv paub hais tias muaj xwmtxheej tshwm los lawm rau qhov Vajtswv pom txhua yam tibi. Vajtswv hais rau Kas-ees: “Koj tus kwv Apees dua twg lawm?” Kas-ees dag Vajtswv hais tias tsis paub.

Vajtswv paub hais tias Kas-ees hais dag xwb, Vajtswv hais tias “Koj mus ua dabtsi los! Zaum no koj yuav raug txim mus ib txhis. Koj yuav mus ua neeg lojleeb thoob ntiajteb. Koj yuav khwv npaum twg los cog tsis tau ib cim qoob zoo. Koj yuav mus ua laib tsis muaj vaj tsis muaj tsev nyob.”

Kas-ees hais rau Vajtswv hais tias, “Koj rau txim hnyav heev rau kuv! Kuv yuav nyiaj tsis taus lub neej txomnyem li ntawd. Koj cia li muab kuv ntiab tawm hauv lub ntiajteb no thiab tawm ntawm koj mus. Kom leejtwg pom ces muab kuv tua povtseg xwb.”

Vajtswv hais rau Kas-ees, “Tsis tau yog leejtwg muab koj tua pov tseg tus ntawd tseem yuav raug txim hnyav tshaj xya npaug li uas koj raug.” Vajtswv thiaj nias cim rau Ka-ees kom leejtwg pom los txhob raug tua. Kas-ees thiaj khiav tawm mus nyob txawv tebchaws.

Kwvtij yuav tsum sib hlub. Twb yog vim Ka-ees chim rau Vajtswv thiab chim rau nws tus kwv Apees, nws thiaj li raug txim nyuaj siab li ntawd. Vajtswv twb qhia rau Ka-ees pom hais tias nws ua txhaum loj npaum li cas thiab nws kev txhaum yog dabtsi lawm. Ntawm no yog qhov teebmeem nyuaj siab rau nkawd ob kwvtij. Vim xaiv qhov tsis mloog Vajtswv lus thiaj raug txav deb tawm ntawm Vajtswv thiaj tej koob hmoov uas yog Vajtswv li. Yog peb npau taws rau yug tej kwvtij nkauj muam, tsimnyog peb yuav tsum thov Vajtswv zam txim rau lawv thiab rov hlub lawv dua.

1.04 KAS-EES THIAB ANPEES, THAWJ NKAWM KWVTIJ – RAU TUS QHIA

Chivkeeb 4

Tej tseem ntsiab lus:

- 1) Vajtswv tsim tau thawj ob tus txivneej thiab pojniam. Hu ua Adas thiab Evas. Thaum uas Adas thiab Evas tsis mloog Vajtswv lus, ces nkawd raug ntiab tawm hauv lub vaj zoo nkauj uas Vajtswv tsim ntawd mus. Zaum no nkawd yuav tsum mus khwv thiaj li tau noj.
- 2) Adas thiab Evas kuj yog thawj ob tug ua niam thiab ua txiv. Nkawd muaj ob tus tub npe hu ua Ka-ees thiab Anpees.
- 3) Ka-ees yog tub ua qoob, cog ntoo thiab zaub noj. Anpees yog tub yug yaj. Txog lub sijhawm fij khoom rau Vajtswv, Aqnpes xaiv tus yaj uas zoo nkauj tshaj koj mus fij rau Vajtswv, Ka-ees koj nws tej qoob mus fij rau Vajtswv thiab.
- 4) Vajtswv txaus siab rau Apees qhov khoom fij rau qhov Apees fij hauv lub siab tuaj tuag, tiamsis Vajtswv tsis txais yuav Ka-ees qhov khoom fij rau qhov nws tsis muaj lub siab fij tiag. Ka-ees thiaj npau taws heev nws thiaj tus kwv Apees tua. Vajtswv thiaj pom tej uas nws ua lawm.
- 5) Vajtswv hais tias Ka-ees yuav mus ua lojleeb tsis muaj vaj tsi muaj tsev nyob rau txhua qhov. Vajtswv nias cim rau Ka-ees kom tsis pub leejtwg tua nws. Ka-ees thiaj raug ntiab tawm ntawm Vajtswv mus. Yog peb xaiv qhov tsis mloog Vajtswv lus ces peb kuj yuav raug ntiab tawm ntawm Vajtswv mus, thiab yuav txais tis tau Vajtswv koob hmoov.

LUS NUG:

- 1) Thawj ob tug neeg uas ua niam thiab ua txiv yog leejtwg?
- 2) Thawj ob tus kwvtij npe hu li cas?
- 3) Tus twg yog tub yug yaj?
- 4) Tus twg yog tub ua qoob?
- 5) Vajtswv txaus siab yam khoom fij twg tshaj? Yog ua cas?
- 6) Tom qab uas nws muab tus kwv tua tuag dabtsi tshwmsim los raug nws?

LUS TEB:

- 1) Thawj ob tug neeg uas ua niam thiab ua txiv yog Adas thiab Evas.
- 2) Thawj ob tus kwvtij yog Ka-ees thiab Anpees.
- 3) Anpees yog tub yug yaj.
- 4) Ka-ees yog tub ua qoob.
- 5) Vajtswv txaus siab Apees qhov khoom fij tshaj. Rau qhov Apees fij hauv lub siab tawm tuaj tiag.
- 6) Ka-ees raug ntiab tawm ntawm Vajtswv mus. Nws mus ua neeg lojleeb rau txhua qhov.

Peb sawvdaws yuav tsum pub yam uas zoo tsaj plaws hauv peb lub neej rau Vajtswv vim tias Tswv Yexus twb pub yam uas zoo tsaj plaws rau peb sawvdaws lawm yog Nws txojhia.